

فاسمع إذا (81) كتاب الرقاق | 0202/2/81 | الشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره. ونعوذ بالله تعالى من شرور انفسنا وسيئات اعمالنا من يهدي الله تعالى فلا مضل له ومن يضل فلا هادي له واشهد ان لا اله الا الله وحده لا شريك له - [00:00:00](#)

واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدي هدي محمد صلى الله عليه واله وسلم.

وشر الامور محدثاتها كل محدثة بدعة وكل بدعة ضلالة وكل ضلالة في النار - [00:00:21](#)

اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد وبارك على محمد وعلى آل محمد كما باركت على ابراهيم وعلى آل ابراهيم. في العالمين انك حميد مجيد - [00:00:47](#)

فهذا هو الدرس الثامن عشر. من هذه الدروس التي نعى فيها بشرح كتاب الرقاق للامام ابي عبدالله محمد بن اسماعيل البخاري رحمه الله والذي يوافق يوم الثلاثاء الرابع والعشرين من شهر جمادى الآخرة - [00:01:09](#)

والذي يصادف الثامن عشر من شهر آآ فبراير سنة الفين وعشرين رب اشرح لي صدري ويسر لي امري واحمل عقدة من لساني يفقهوا قولي. طبعاً لعلكم تابعتم الحمد التي آآ حملت علي - [00:01:28](#)

الاسبوع الماضي حتى يعني صار اغلب التعليقات على هذه الفراء التي الصقت بي الحقيقة الحملة لها جانبان جانب شخصي وجانب علمي. وانا بكل اسف مضطر ان ابين آآ حقيقة الامر - [00:01:52](#)

يعني ما ساقوله في الكلام عن نفسي انما هذا اقوله مضطراً بياناً. والا انا لم اقله ابداً في حياتي ابتداءً. ولكن احياناً كنت اذكر نثفاً من حياتي الدعوية في اسناء المحاضرات حتى بتكون ليتفكك الناس بها. يعني كانت بتكون طريفة يعني - [00:02:17](#)

آآ اربعة من المذيعين تكلموا عني ويتفاوتون في سوء الادب هم يتفاوتون في واحد منهم سيء جداً يعني وبعدين يعني واحد في القمة والثلاثة في القاعة او تحتيه آآ قال احدهم وهو يعرفني للجماهير - [00:02:38](#)

ان انا مرشد سياحي يعني هو يا اخوي يعني يريد ان يقول هو مجرد مرشد سياحي ايه اللي دخله في الدين مرسى السياحة فعلاً سنة الف وتسعمية تسعة وسبعين سنة تخرجي من آآ تخرجي في الجامعة - [00:03:13](#)

بعض اخواني الذين سبقوني بدفعة يعني ده مرسى سياحي ده رائع جداً وكان مرسى السياحي انزأك بيتقاضى في الشهر اربعة الاف جنيه تسعة وسبعين فلما اخذني وذهبت ورأيت المنظر تبت - [00:03:32](#)

قلت لا انا لا اصلح في هذا اطلاقاً لان كانت بدايتي في معرفة ديني سنة خمسة وسبعين خمسة وسبعين سنة وسبعين اول سنة تدخل فيها الجامعة وكنت بدأت يعني ايه اقرأ قراءة شاب آآ صغير - [00:03:51](#)

اه ليس له شيخ ولا يعرف حاجة اسمها شيوخ ولا حاجة اسمها علوم شرعية ولا كلام. لكن كنت احب ديني فكنت اقرأ للمعاصرين.

خالد محمد خالد وآآ المنفلوطي والرافعي والحاجات الادبية يعني - [00:04:08](#)

انا رجل لم يدلني احد على هذا العلم يعني لكن كانت بدايتي سنة خمسة وسبعين لسة وسبعين فكنت بدأت يعني ايه آآ اعرف بالترقي آآ كل يوم اعرف حاجة كل كده اول ما شفت - [00:04:25](#)

هذا المنظر في الاستشهاد السياحي قلت انا لا اصلح في هذا انا ليس لي عمر في الاستاذ السياحي وانا انا ذا كنت شاباً وانت عارف يعني ايه اربعتلاف جنيه يعني في سنة تسعة وسبعين يساوي كم؟ قد تساوي مية الف جنيه النهاردة - [00:04:42](#)

تمام انا ما ما عملت في الارشاد السياحي في حياتي الا يوم واحد اللي رحت عشان اطلع على هذا الامر وترك الامر انا في السانوية

العامه اخواتي اطباء وكانوا عايزين نلتحق بالطب - 00:04:57

عشان ايه ان احلام الشباب بقى مستشفى الاخوة بقى ونعمل ايه ده تخصص كذا ده تخصص كذا بتاعتنا لكن قدر الله وما شاء فعل.

ان كانت اول سنة لنا لي في السانوية العامة كانت المستوى الرفيع - 00:05:15

اول سنة في في السانوية العامة كنت انا. كانت دفعتنا يعني. سنة خمسة وسبعين فالمستوى الرفيع انا خدت في الاستاز هابص اللغة العربية لانه من زمان وانا في سنة اولى اعدادي وكان كنت بكتب شرح حلمنتيشي حاجات كده على قدي يعني واقرأ واكتب وكده -

00:05:28

اخذت اللغة العربية كمستوى رفيع جبت فيها ثمانية من عشرة وبعدين آآ خلاص اذا الرغبة الاولى آآ راحت منك كل الدنيا تستوي بدأ ننظر في الايه اخواتي بقى الاولويات رحت كلية الاداب ما عجبنيش اداب. المهم في لحظة يأس يعني كانوا بيدونا دليل الكليات زمان

- 00:05:48

قعدت ادور على الكليات والكلام ده لقيت حاجة اسمها اللسن. ايه اللسن دي؟ وجمع لسانه وبتاع من جهري دخلت كلية الاتوبيس خلاص وانا يائس بقى والكلام ده دخلت كتلة الاسهم قلت اما اشوف ايه يا جماعة اللسن ده قال لي اللغات. انجليزي وفرنساوي

واسباني وطلبان ولغات شرقية والماني - 00:06:10

قلت الالف على الاقسام بتاعة اللي يناسبني رحت قسم انجليزي. على طول اول قسم على اساس العيال الانجليزي وبندي دروس وحاجات زي كده رحت لقيت العيال جايين من معهد بريطاني وجاي من مش عارف مين بيتكلموا انجليزي لبلب - 00:06:30

وانا تايه في وسطهم واخذ بالك وانت عارف اجارك الله من المدرسين اللي كانوا بيدرسونا الانجليزي لا لغة ولا نطق حلو ولا بتاع فاحنا واخذينها بالفوازي كده في الانجليزي. فلقيته قلت انجليزي انا هاروح في داهية - 00:06:45

لو جيت في وسط العيال دول آآ وانا اصلا لما جبت المجموع دهوت واخترت السن كمان قال لي ده تفاشل وحياتك فاشل وحتى في اختيارك في اختياراتك فاشل عندي قصة كبيرة جدا انا مش فاشل الحقيقة. جواد يجري وكذا مرة - 00:06:57

مش مش لسه يعني مشوار السباق طويل يعني اعترف مع الكليات انجليزي ما نفعلش فرنساوي ولقيت لي على لبلب برضو آآ الماني طبعا اللي قاعدين كلهم لا يعرفوا بس سمعت كلمة انا فرت من القسم - 00:07:14

واحد بيقول لواحد فبقول له دي قال لي يعني ولا يهكم. قلت له بلا ولا يهكم هي الكلمة دي. وبعدين قعدت اسأل الطلبة صعبة وناشفة وبتاع ست الماني رحت طلياني عجبني - 00:07:32

ليتي الكلام بتاعه رشيق يعني رفيق يعني كل كلمة تنتهي بحرف متحرك مسلا يبقى كده يعني ايه؟ لازم ايه؟ عايزة واحد آآ رقيق قوي يتكلم يعني. قلت حلو. افضل كده. فاضل قسم واحد بس - 00:07:52

ادخلوا بقى عشان ايه يبقى كده عملت اللي علي والكلام ده نزلت قسم اسباني احنا كنا زمان بيعلمونا في الانجليزي نكتب النطق بالعربي بوك به واو كاف تمام؟ فكنا نكتب النطق بالعربي عشان نعرف ايه نقراه. هم علمونا كده - 00:08:07

استعنت بالفكرة الجهنمية دي على الايه؟ على القصة دي. اول ما دخلت المعيد كتب لنا كلمات على السبورة كده يعني انا اكتب سين يور يعني سيد. كده وبعدين الاستاز يقول لنا ها حد ينطق كله طبعا ما يلزقش النطق من اول مرة. عندي انا بقى قدام الايه؟ قدام

الكاتب كده - 00:08:25

يقول ايه دي اقول له نينيو. نينيو يعني طفل يعني انيو يعني سنة انتم عارفينها يعني تمام برافو عليك انت درست سباني فين وبتاع قلت له بلقط بسرعة وحاجات زي كده وخلاص وركبت الموجة دي ولقيت الطلبة كلهم جايين لي يقولوا لي ما شاء الله -

00:08:53

تعرف مش عارف قلت له لا انت انت عارف انا مسقف وحاجات زي كده وبتاع نفسي اتفتحت بقى. قلت بقى انا هاسيب القسم

الاسباني اللي الراجل عرفني فيه وكان ايامينا - 00:09:13

المعيد مش الدكتور. اللي يعرف طالب يبقى الغنيمة البريدة بقى فضلت في القسم الاسباني ده جهاد وصلت الحمد لله كنت متضايق

من الثلاثة الاوائل دائما في الجامعة. ورحت اسبانيا في منحة من المعهد الثقافي الاسباني سنة - 00:09:23

تمانية وسبعين. وهناك بدأ التزامي واعفاء لحيته. في اسبانيا ليه؟ لانه ما عرفتش اقعد الفلاح بقى وفجأة راح اوروبا وانت عارف اوروبا واللي بيحصل في اوروبا بقى حبست نفسي في بانسيون وقلت اقعد بقى احفظ قرآن وبتاع كنت ماخذ على مصحف المعلم ولم اكمل الرحلة بتاعتي خالص لان نفسي يعني قرفت خالص - 00:09:41

من اسبانيا بسبب الكلام ده اتعينت الحمد لله معيد في الجامعة ولكن كنت باقي العلوم الشرعية بدأت تتمكن من قلبي تجري في دمي اعمل ايه معيد يعني هتبقى اوصل لحد فين يعني - 00:10:04

استاذ ورئيس قسم ورئيس جامعة مش مش ده طلبي خرجت الجامعة طبعاً اهلي يعني خدوا على خاطرهم جدا مني وبعدين ازاي ده انت كنت هتبقى تتدارك في الوظائف وتبقى آآ ممكن تبقى آآ وزير ممكن تبقى كده يعني - 00:10:19

انا خلاص بقيت زي المسحور ادرس علم الحديث وعلم اصول الفقه والفقه والكلام ده والتفسير خلاص بقيت زي المسحور واحد ساحبني الى حيث لا ادري تمام برضو مصرين ان هم لازم اكون ناجح يعني اكون انسان في المجتمع مرموق ومعروف والكلام ده. فقدموا لي فيه الازاعة - 00:10:35

البرامج الموجهة قسم اللغة الاسبانية. دخلت فعلاً وطلعت الاول على دفعتي. كان معي حوالي اربعة خمسة. عايزين واحد اسباني وتلاتة برتغال انا في اسبانيا عشان كان مستواهم متميز شوية وبدأت آآ في الازاعة. في الازاعة ما قعدت في مكتب - 00:10:57 في اربعة متبرجات. ايه اللي جايب يا مشط؟ واللي جايب مراية واللي عمالة تعمل في آآ بتاع. وانا لي مكتب بيطل على الكورنيش كان جنب الشباك يعني ما برفعش رقبتني لحد ما رقبتني وجعتني - 00:11:15

واخذ معي كتاب المجروحين ابن حبان وحطه قدامي تمام؟ وعمال اقرا فيه. وهم بقى ايه عمالين المشط ويكهكه ويعملوا بتاع قلت لنفسي انا هو انت ايه فدية العلم تدرسه؟ عايز تبقى شيطان بالنهار قديس اخر الليل انا كنت بحقق في الاحاديث انذاك - 00:11:29 قلت لآ انا لا استطيع ان انا على ما خدت القرار ده كانت مشكلة بالنسبة لي ليه؟ لانه يعني بالعافية آآ قدموا لي قدموا لي وانا لا ادري انا ما اعرفش ان انا قبلت في الازاعة - 00:11:49

ورحت عشان امتحن والحقيقة الذي اغراني انذاك اني كنت عايز ادخل محطة قرآن كريم لاني قابلت مزيع كان مشهور انذاك اسمه فؤاد شاكر رحمه الله على باب اربعة في ماسبيرو - 00:12:01

قلت له انا لو انا نفسي اروح حاطط ازاعة القرآن الكريم. هل لو انا دخلت في الازاعة وحولت من قسم القسم؟ ولا ادخل من اولها؟ قال لي لو قسم قسمة اسهل لك - 00:12:14

دخلت ودخلت امتحان كانوا هيحطوني في البرنامج العام عشان صوتي وقراءتي كانت سليمة. ولا الحن في القراءة يعني وكان يومها او اسبوعها كان المفاعل العراقي مضروب كانت اسرائيل ضربت مفاعل عراقي في هذا الاسبوع. فادوني آآ عمود يعني اقراه عن المفاعل العراقي وبتاع. قال له لا ده صوت - 00:12:24

ماشي وكويس نخدم في البرنامج العام. لكن الاذاعات الموجهة ده احنا اصلاً عندنا امتحان عشان الاذاعات موجهة. تيجي تاخذ البرنامج العام ما رضوش. فكنت يعني مش قادر قاعد في الاوضة بتاعة المزيعين دي فكنت انزل مسجد التلفزيون - 00:12:52 تيجي المديرية تلف ما تلاقينيش تاخدني غياب تمام؟ اجي الاقيني متاخذ دياب. ازاي انا متاخذ دياب؟ ده انا جاي من الصبح ومش عارف ايه اعمل خناقة وقلت في الآخر هو شكلها كده فعلاً انت لابد ان تمشي. وتركت الازاعة - 00:13:05

وبعدين بعد كده كان في اخر سنة آآ السنة قبل الاخيرة اللي كان لهم قوى عاملة الحكومة كانت بتتوظف يعني فجابوا وزيفتي فعلاً في القوى العاملة مترجم فوري في مكتب محافظ كفر الشيخ - 00:13:18

كان السادات عمل قانون عشان يضرب الروتين ادى لكل محافظة ميزانية وقال له كل محافظة تعتبر نفسها جمهورية وهوفر لك مترجم فوري لكل لغة حية تستطيع انك تتعاقد مع الدولة صاحبة هذا الايه؟ هذه اللغة - 00:13:36

فحطوا اربعة خمسة من اللغات الحية انجليزي فرنساوي اسباني الماني ايطالي في مكتب المحافظ انا قلت كنت بقى خلاص مشيت

في العلوم الشرعية صوت آآ محترم يعني. قلت لأ لا دي طبعاً كل - 00:13:52

وحاجة من دي ما مشتت بسهولة يعني ليه؟ لان دي كلها وظائف مرموقة جداً يعني بدأت في العلوم الشرعية بقوة بعد ما خلصت الجامعة تفرغت وصار الوقت ملكي فبدأت ادرس العلوم على الشيخ محمد نجيب المطيع رحمة الله عليه - 00:14:09
ده اول مشايخي آآ خدت عليه اربع كتب صحيح البخاري آآ والاشباه والمظاهر للسيوطي احياناً الدين الغزالي. والمجموع النووي دول الاربع كتب اللي خدتوها على الشيخ وبعدين بعد كده مشيت في آآ طلب العلم وكده يعني. المهم مش عايز يعني اخوض كسيرا -

00:14:29

الاخ لما يبجي يقول ان انا مرشد سياحي يعني ايه دخله بالعلوم الشرعية؟ اهي دي بدايتي انا لست انساناً فاشلاً لا بالعكس يمكن ربنا عز وجل يعني وفقني وفتح آآ نوافذ فهمي على العلوم الشرعية لان لمحبتني الشديدة - 00:14:49
انا الدين بحبه حب شديد مش مجرد بحبه عشان آآ بقول لا ابدأ انا اول ما بدأت دعوتي عملت حاجتين اهم حاجة فيهم درست حياة النبي صلى الله عليه وسلم في الدعوة - 00:15:06

قلت ده انجح نموذج قدامك النبي عليه الصلاة والسلام لن تجد افضل منه فنظرت كيف يدعو الناس ترقى طبعي بهذا واخذت من هذا انني اتعامل مع كل من ادعوه كوالد - 00:15:26

حتى لو كان اكبر مني في السن اعاملهم كاب سواء كان اصغر مني او مثلي في السن او اكبر مني ولا سيما لما بدأت الدعوة وجدت ان في مقاومة لهؤلاء الشباب من اهلهم - 00:15:44

فهؤلاء كانوا بالنسبة لي الذين يستمعونني كانوا بالنسبة لي كابناء علا سنه او نزل سنه او في مثلي انا اعاملهم كاب الابوة دي صارت في دمي جزء مني. فانا عندي في الدعوة مش مجرد واحد يقرأ ويترجم ويدي للناس - 00:16:00

لأ انا شخصياً اتعامل مع كل من ادعوه بروح الاب حتى لو كان اكبر مني في السن واحترم الكل صغيراً وكبيراً ولو لقيته لاول مرة باقول لحضرتك على طول انت رحت وانت جيت بقت لازمة عندي. حتى لو طلبتني ان اتركها لا استطيع ان اتركها - 00:16:20
دي الاول الثاني يقول وهو راح الدوحة واصله مقعد وقاعد على كرسي والكلام ده طبعاً كنت اكره لهم هذا يعني. وطبعاً ايه استدرك على طول وقال الله يشفيه طبعاً اه طبعاً الله يشفيه - 00:16:42

وطبعاً بلي بالك انت فاهم وانا فاهم واخذ بالك طبعاً يعني آآ هذه المحنة من اجل نعم الله علي ان ربنا عز وجل اجل نعمة علي هي الاسلام دي اجل نعمة - 00:17:02

تاني اجل نعمة اللي انا فيها الان آآ شهر مايو الفين واتناشر بدأت القصة دي. رحت آآ مستشفى عين شمس التخصصي لقيت هناك كثير من اخواننا بقى اللي عارفيني دكاترة وكده المهم لما دخلت المستشفى وبعدين آآ يعني العلاج مش جايب نتيجة او كده فقرروا - 00:17:19

اللي ايه؟ باتري الساق لكن الدكتور اللي بيعمل لي العملية تهيب ان يقول لي ذلك فجاب رئيس القسم يوم الجمعة اه قبل صلاة الجمعة. واهلاً شيخ ابو اسحاق وازي حالك وعامل ايه وبتاع - 00:17:39

اه والله انا عايز اعرض عليك قضية طبعاً كل الكلام ده غائب عن بالي يعني يعني لو فيه واحد مسلاً آآ عنده عضو كده مش مزبوط وبتاع ولكن يعني لما نشيله بقى يبقى الجسم كله يبرأ ومش عارف - 00:17:56

قلت له يا دكتور انت بتلف على ايه؟ عايز تقول ان في بدر يعني قال لي بصراحة عايز اقول كده. قلت له وكان امر الله قدراً مقدوراً انا ماذا افعل يعني - 00:18:13

هذا مكتوب علي ولا بد ان اسلم اتعلمت التسليم والرضا حتى قلت لولادي زمان قلت قصة عروة بن الزبير. لما بيت رساكم تمام وفي نفس الوقت مات ابنه تمام؟ كان عنده اه اربع ابناء مات واحد وكان عنده اه ساق اه قال لهم ايه؟ وانا باصلي اقطعوها - 00:18:21

ما كنت يعني ادفع بلاء الله بمعصية الله. ولكن اذا دخلت في الصلاة فاقطعوها المهم لما سمعت دي بعد كده يعني قلت لولادي انظروا هذا كلام ابيكم عن البلاء وهو في عافية - 00:18:46

ما انا لما اقول لعروة اتقطعت سقف ما اتقطعت ايه اللي حصل لي انا كمتكلم يعني ولا حاجة. قلت لهم هذا كلام ابيكم عن البلاء وهو في العافية. يعني ايه؟ قال - [00:19:03](#)

خفة وسهولة وكده يعني المهم لما حدس هذا الامر والله وبالله وتالله لم اشعر ببرد الرضا الذي كنت اقرأه في الكتب الا في هذه المحنة وازدت حبا لربي تبارك وتعالى فيها - [00:19:13](#)

فعلا والله عدتي فعلا محبة الله ورسوله. انا قليل العمل ما ممكن لو قلت لي ايه الاعمال الجيدة اللي انت عملتها كويس يمكن ما اقدرش اعثر على اعمال ذات قيمة الا هذه المحبة لله ورسوله. فانا عايز اقول له يعني مسألة مقعد ويعني ايه؟ يعني اهل المروءة يترفضون - [00:19:32](#)

يسمعون عن شيء كهذا. وانا عارف ان طبعا اسمعوا هذا الكلام ونشوف اساء بنا الظن. وانا قلت الله يشفيه ومش عارف ايه. انت فاهم وانا فاهم يعني طبعا في ثنايا هذه الهجمة الرهيبة - [00:19:52](#)

ذكروا اشياء مغلوطة انا ادفعها منذ عشرين سنة كانني اخاطب سما بكما عميا وهم ليسوا اغبياء هم عارفين كويس جدا. انا بادئ اقصد لانهم قصوا الفيديو وعرضوه على الناس مقصوص. فكل ما اقول - [00:20:05](#)

انا نادم يقوم يكبرها كده ويحطها كده وانا جنين على الناس يقوم حطيتها كده عشان يبقى ايه نادم وجنان على الناس ويخرب بيتنا في القهوة تمام؟ هم عايزين في الاخر يوصلوا لهذا - [00:20:24](#)

لكن لو تركوا الفيديو كله فيه رد عليهم. انا الحقيقة لاول مرة في حياتي اتابع المعلقين على الفيديوهات بالالوف المؤلفة انا ظننت ان التواصل الاجتماعي ده يعني ايه اشتعل. انا ما اعرفش حاجة ما اعرفش اشتغل ولا ما اشتعلش بس انا اتهدى لي كده - [00:20:36](#) من كثرة الذين يردون عليهم ويسفهونهم واضح الفيديو. لان الذين عرضوه وهم يدافعون عني عرضا كاملا واضح جدا الفيديو اللي جابوه وطنطنوا عليه وقالوا ان انا تراجع عن منهجي وتراجعت وابديت ندمي - [00:20:55](#)

وخربت الاوطان ده حتى الراجل كبيرهم الذي تولى الشتم والتقيب والكلام ده قال كل شيء انا المسئول عن الدماء في مصر. والمسئول عن الدماء في سوريا ومسئول عن الاغتصاب اه والله الانتصار على اساس ان انا ايه - [00:21:14](#)

قلت قبل كده ان عائشة اتجوزت سنها تسع سنين. كنت بارد عليه برضو تمام؟ واتيت ببنائي من القواعد بالقواعد والعلم يعني. تمام والصفقات التجارية. واحد كان رايح يشتري آآ برتقان من واحد بتاع آآ اراضي موالح والكلام ده - [00:21:33](#)

هو يقول ايه فقال الرجل صاحب الموالح للتجار لن ابيعكم. ليه؟ لان الشيخ ابو اسحاق بيقول عيد الحب حرام. اه ايش دخل دي بدي عمرك تتخيل واحد البرتقان بالموانع بتاعته مية مية وجاي له تجار يقول له مش بايع - [00:21:54](#)

رأيتموها في العالمين عشان عيد الحب؟ ولد الحب حرام وهذا بيكرهنا في اهلينا. امال نحب ازاي ونعمل ازاي والكلام ده. شف فضل يتدرج ويجيب ويجيب والكلام ده لحد ما انا تصورت هيقول حاجة بس خاب ظني - [00:22:12](#)

ان انا المسئول عن خرم الاوزون والاحتباس الحراري في الكرة الارضية. والله ما بقي الا هذا. انا عامل كل حاجة كل حاجة انا عاملها. ولان انا بتعامل معاملة الاب فكل شيء انا وقعت فيه - [00:22:27](#)

احذرك ان تقع فيه ده عندي انا عاطفة موجودة جوايا لا تمنعني اطلاقا من ان اقول انا كنت غلطان الفيديو ده كان مناسبته ايه بقى؟ اللي هم طاروا به وقصوه ولزقوه وعملوه عشان ابدوا يبدو شكلي قبيحا - [00:22:44](#)

كنت اتكلم مع طلبة علم وانا قلت لهم عندما كنت صغيرا العلم وصغيرا في السن فوق العشرين بقليل بدأت اتعلم فهو قاعد في اغناط اي واحد شادي في العلم بيغلط في الاول ليه؟ لان العلم ده - [00:23:04](#)

صعب جدا عايز طول عمره عايز ملكة وعايز قراءة كثيرة وعايز فسنى انذاك كان يسمح بمثل هذا فانا لما طلعت الكتب الاولانية لي فصل الخطاب بنقد المغني عن الحفظ والكتاب. وجنة المرتاد بنقد المغني عن حفظ الكتاب. الاولاني كان كتاب مختصر صغير -

[00:23:27](#)

وبعدين لما كبرت شوية رأيت انني قصرت. فحببت اطول بقى واظهر بقى ان انا بقيت طالب علمي جيد والكلام ده. فعملت جنة

المرتاب بنقد المغني عن حفظ الكتاب وكان في كتاب للامام النسائي اسمه خصائص علي ابن ابي طالب رضي الله عنه. لي فضائل علي ابن ابي طالب. برضو - 00:23:49

ده نحققه. وبعدين وقعت في اغلاط بحكم سني بحكم خبرتي قلة اطلاعي. فعرفت الاغلاط بتاعتي ورجعت عنها. يعني مين الاغلاط اللي انا وقعت عنها في فيها؟ حديث ماء زمزم لما شرب له - 00:24:12

انا عارف ان فيه ناس من الجلوس يتظاهرون وصحيح وهذا الحديث صححه ائمة برضه لكن وضعفه ائمة فانا لما يعني استويت وفهمت عرفت ان ده غلط يكون حديث تنسبه للنبي صلى الله عليه وسلم. ولم يقله دي اكبر جناية. هم مش واخدين بالهم. لما انا باقول انا ندمت - 00:24:28

فاكرين ان انا عملت حاجة فزيعة جدا يعني حملوا لي بقى الدماء ومش عارف ايه والكلام ده. اه ندمت لاني نسبت حديثا لرسول الله صلى الله عليه وسلم لم يقله اي بناية اعظم من هذا؟ هم يمكن مش عارفين - 00:24:53

دي جناية. انا عارف انها جناية جدا يعني وذنوب فظيعة اسأل الله المغفرة منه. ليه؟ لان انا اقدمت على التصفية الطبيعية ولم اكن انذاك استويت كما ينبغي بسم الله الحديث الثاني مثلا الذي اذكره - 00:25:05

حديث القدريه مجوس امته ان مرضوا فلا تعدوهم وان ماتوا فلا تشهدوهم الى اخر الحديث هذا حديث حسنه ائمة العلاء وغيره وحتى اخره اظن شيخنا الالباني رحمة الله عليه فانا تبعتهم مقلدا - 00:25:28

ليه؟ لم يكن عندي الات الاستقلال انا مش هستقل ولا انا امام كده بالدرع العلمي ده كلام كل اهل العلم الحراس على العقيدة هيشلشلك يعني هذا الحديث تبين لي من البحث والدراسة انه لا يصح - 00:25:44

هذا هو الباب الذي قلت انا ندمت عليه وانا لو استقبلته من الان ما استدبرت ما عملته باوصي ابنائي الذين اعدهم في منزلة الابناء انا لا استنكر ان ارجع عن خطأي لا سيما اذا كان في نسبة شيء الى النبي صلى الله عليه وسلم ولم يقله - 00:26:04

ده مسألة خطيرة جدا قال صلى الله عليه وسلم ان كذبا علي ليس ككذب على احد من كذب علي متعمدا فليتبوأ مقعده من النار ان كذبا علي ليس ككذب على احد. ليه؟ لان الحجة تقوم كلاما. دون غيره - 00:26:22

من اي انسان لو ان صحابي خالف صحابيا لابد من الترجيح بينهما اذا كان ده رايح يمين ويريح شمال مين اسعد الناس بالدليل بالنص او بالحكم اللي معه الدليل اللي هو كلام النبي صلى الله عليه وسلم. كما هو مذكور في اصول الفقه في مظانه يعني - 00:26:42

فده شيء انا مستبشعه وهم مش واخدين بالهم منه واحد ولا طول عمره ماشي في ياخذ كلامه النبي صلى الله عليه وسلم ازاى يعني او يستعظم ان تنسب الى النبي صلى الله عليه وسلم كلاما لم يقله ازاى يعني - 00:27:02

انا بالنسبة لي فظيعة جدا جدا واسأل الله عز وجل الا يؤاخذني انا كنت باجتهد بقدر المستطاع وباحاول اطبق القواعد والكلام ده. وكان في ذلك الوقت في اللي انا كنت بكتب فيه - 00:27:18

عايز حد كبير يقيم شغلي انا راجل محب الحديث واشتغل في الحديث والاسانيد مين اللي يحكم علي ان انا ماشي صح ولا ماشي غلط؟ لازم حد مهم امام فكان اهم حاجة عندي - 00:27:31

شيخنا الشيخ الالباني رحمة الله عليه يرى عمله وهل انا فعلا ماشي صح ولا ماشي غلط؟ لحد ما ارسلت له اه الجزء الاول من شرحه على سنن النسائي بخط ايدي كده وعدى علي اخ من نابلس - 00:27:47

قال لي انا رايح الاردن مش عايز حاجة قلت له خد هذا وديني الشيخ الالباني اللي هو شرح السنة النسائي اول مرة اشرح السؤال النسائي وراح الاخ وما جاش وخلص وانا نسيت الموضوع. لحد ما اقع في ايدي شريط - 00:28:10

آ الشيخ الالباني ببسأل عن شروح السنن الاربعة فذكر شروح ابي داود وشروح النسائي وشروح الترمذي وما قلش عن ابن ماجة حاجة لكن لما جه على النسائي قال انا لا اعلم - 00:28:25

في هذا المجال وفي هذه السنة النسائية شيئا الا ان في واحد اسمه حجازي ده اسم يعني. اسمه حجازي. آ شرح سنة سيء وهو شرح مفيد بالنسبة لما ينشر في هذا العصر - 00:28:41

اعتبرت ده شهادة لي من الشيخ الالباني وانطلقت بقى فتحت ايه يعني فتحت شهيتي ان انا بقى اشتغل وكده لان امام الصنعة في الزمان في ذلك الزمان زكى عملي تمام - [00:28:54](#)

اهو في هذه المرحلة اللي انا فيها صغير ندمت وتراجعت عن طرق فاتتني في علم الحديث او حكمي على بعض الاسانيد غير صحيح والكلام دوت لقلة الكتب انذاك وقلة لقلة المصادر وفقري - [00:29:09](#)

كنت رجلا فقيرا وانا يمكن في مقدمة تنبيه الهاجن آآ هو هذا كتابي الذي مطبوع فيه سبعتاشر مجلد في البحرين فده يعني قايل قصتي كلها في مقدمة الكتاب كنت فقيرا صفت صلاة النبي صلى الله عليه وسلم كانت بتلاتين قرش ما اعرفش اخدها - [00:29:29](#) ما اعرفش اجيبها كانت غالية جدا علي وقعدت الف الف. تمام؟ ولحد ما لقيت تلخيص صفة الصلاة بخمس قروش ودي اللي كان معي انا ده خمس قرون اشتريت تلقيت صفة فلما قرأت تلخيص صفة صلاة النبي صلى الله عليه وسلم ندمت ان انا ما خدتش الكتاب - [00:29:50](#)

وعد تدعو الله عز وجل ان ما اموتش لحد ما اقرا الكتاب ده في الجمعة الجاية وحوش بقى تمام ومنعت نفسي من حاجات معينة لحد ما ادبر تمن الكتاب. واشتريته - [00:30:10](#)

في الجمعة اللي هي الثانية دي. وده كان فاتحة الخير بالنسبة لي رجل فقير والكتب قليلة وانا اذكر آآ كتاب اسمه بوابة المكود بتخريج ملتقى ابن الجرود ليه يعني ده الكتاب ده لما تعرف تشوف شغل عليه - [00:30:21](#) انا هترك لك الحب في ذلك الوقت ما كانش فيه مكتبات فكنت اروح مكتبة اصول الدين في كلية الحديث جامعة الازهر الكلية او كان ايه الكتب في ناحية وفي فاصل والترايبيزات بتاعة المطالعين في ناحية - [00:30:40](#) وانت الكتاب اللي انت عايزه قل لامين المكتبة يجيبه لك تمام اول ما رحت قلت له اديني اطراف الميزي وميزان الاعتدال والبخاري ومسلم وقعدت تعد له كده والراجل فاتح بوقه - [00:31:02](#)

بتبهل ده ولا ايه؟ اول مرة يجي هنا ولا ايه قال لي يا استاز كتاب واحد تخلصه واجيب لك الثاني قلت له ما اقدرش ده انا راجل شغال في الاسانيد والاسانيد - [00:31:16](#)

الاسماء مختلفة. علي حرف العين. محمد حرف الميم. ابراهيم حرف الالف ده لازم الكتاب كله يقول معك عشان الجزء الاولاني فيه من الف لحد مسلا آآ الصاد. والمجلد الثاني فيه من صاد لحد ميم. نقول له فقلت له ده ما ينفعش هذا الكلام. قال لي لا - [00:31:28](#) هو ده نظام المكتبة وازا كان عاجبك خرجت من مركبه وانا دمي يفور ازاي يعني؟ ازاي ده ما يفهمش حاجة هنا ولا ايه؟ وعمال اكلم نفسي يعني فرحت جيت ثاني يوم قلت هاجي ثاني يوم احضر كده جايز يكون موزف ثاني - [00:31:46](#) مختلف عنه يعني. لقيته هو. اول ما شفته نفسك اتكسرت تمام؟ وهو شافني قام داخل جوة. تمام؟ راح عملنا معركة يعني شبه معركة يعني وبعدين فضلت قاعد لحد ما لقيته قرب قلت له لو سمحت - [00:32:04](#)

مممكن اه اكلمك قلت له انا بكلمك الان كانت اخي الكبير وانا اخوك الصغير طالب علم فقير وبشتغل في بقالة ويدوبك واخذ منها كم ساعة كده بس عشان معلش اسمح لي كده. رق قلبه كدت ان اقبل يده. من بسبب انه رق قلبه علي. جاب لي شوية كتب ومش عارف ايه - [00:32:22](#)

قاعد تشتغل كتاب الغوص المجدود ده في في مسل هذه الاجواء عملت الكتاب ثلاث مجلدات فاللي يعرف كلامي يا اخوانا طلبة العلم هم اللي يعرفون قدر الجهد الذي بذلته او الشقاء او الحرمان او اي حاجة. يعني حياتي فيما يتعلق بطالب علم - [00:32:44](#) كبيرة وفي آآ يعني مواضع منها مؤلمة يعني لكن لما ياخدوا هذا الفيديو انا اكلم طلبة العلم. يعني حتى من ضمن الحاجات قال ايه قال اتاري دي جلسة سرية وفيه واحد طلع الملعون الموبايل يعني. وقام مصوره من غير ما ياخذ باله - [00:33:04](#) لكن الجلسة دي كانت سرية وانا المايك بتاع البتاع على صدري. يعني ما افهمش ازاي جلسة سرية وواحد غافلني كده وقام جاي من ورايا ومصور والكلام ده على اساس اقول حاجات - [00:33:24](#)

خطيرة يعني. تمام؟ ده فيما يتعلق بالجانب الشخصي. اما الجانب العلمي احنا فضل علينا قد ايه اه انا هقول بقى واحد من الثلاثة

دول انا طول عمري بارد عليك انا بتشتتم بقى لي سبعة وعشرين سنة بالزبط - [00:33:36](#)

انا واخواني من الدعاة بس انا على وجه الخصوص وهقول لكم ليه فانا بارد عليهم على مقالاتهم لكن لا اسميهم انا بصراحة لا اخفيكم انا تعاملني ابوي فاتمنى هداهم والله العزيز من قلبي - [00:33:59](#)

اتمنى هداه ان هؤلاء يحبون العاجلة ويذرون ورائهم يوما ثقيلا انا محب لهداه ونفسي يهتدوا ويعرفوا الصح وان الدنيا قصيرة جدا جدا مهما اخذت فيها من مال او جاه كله - [00:34:19](#)

سينتهي. واحنا كلنا عارفين الحقيقة دي ولا احب ان فيها. عشان اسبت لكم انه يقصد الدين واحد من الاربعة اللي اتكلموا دول يقصد الدين ما يقصدش انا شخصي انا شخصي لا يشكل له شيئا - [00:34:42](#)

اسمعوا تلتاشر عنوان رددت عليه في تمن خطب وتمن دروس وهو يسب ابا هريرة ادي التلتاشر عنوان اللي انا كتبتهم لان انا كنت بقرأ على الطلبة. انظروا قال كذا وكذا فكتبت بص يا عم - [00:34:59](#)

ببنت تمانية واربعين سقوط اكبر راو لاحاديث النبي صلى الله عليه وسلم واحد اتنين ابو هريرة راوي الاكاذيب والخرافات ثلاثة كان يأكل على مائدة معاوية ويصلي خلف علي ويقول الصلاة خلف علي اتم والاكل على ما على مائدة معاوية اجسم - [00:35:24](#)

اربعة كان يطارد الصحابة ويسألهم ان يطعموه ولكنهم كانوا يردونه ولم يستجب له الا جعفر ابن ابي طالب خمسة كان نهما للطعام وقالت عنه عائشة رضي الله عنها طبعنا الترضي والكلام ده مني انا - [00:35:52](#)

مش منه كان ناهما للطعام وقالت عنه عائشة رضي الله عنها قلناها انه رجل مهزار وسلك سلوكا مع الاطفال جعلت منه مجرد اراجوز ستة لم يصحب الرسول صلى الله عليه وسلم سوى سنة وتسعة اشهر. فمن اين له بكل هذه الاحاديث؟ وكان يقول لو سمع عمر ما اتحدث به - [00:36:11](#)

عن رسول الله صلى الله عليه وسلم لشج رأسي سبعة الرسول صلى الله عليه وسلم طرده من المدينة بعدما ضاق بتصرفاته تمانية في اول يوم اسلم فيه طلب من الرسول صلى الله عليه وسلم نصيبه من الغنائم فاهانه صحابي وسكت الرسول على اهانتة -

[00:36:39](#)

تسعة خدم الرسول صلى الله عليه وسلم مقابل مئة بطنه. وكان يخدم اهل بلده مقابل طعامه ولم يكن له اسم معروف خلاف الجاهلية ولا في الاسلام دقيق يعني عشرة باع الرسول صلى الله عليه وسلم لمعاوية ببضعة دراهم - [00:37:03](#)

حداشر عمر منعه من الرواية. وقال عنه علي اكذب الناس على رسول الله صلى الله عليه وسلم ابو هريرة اتناشر واجهته الشهيدة السيدة عائشة رضي الله عنها قائلة له انك لتحدث باحاديث ما سمعناها من رسول الله صلى الله عليه وسلم. فقال لها يا ام شغلك عنها

المرأة - [00:37:24](#)

والمكحلة. يشير الى انه لا يوقر عائشة يعني تلتاشر لما وقع الخلاف بين علي ومعاوية انحاز الى معاوية الذي كان يملك المال والجاه ومظاهر الترف وابتعد عن علي الذي لم يكن يملك سوء الجوع والفقر والزهد - [00:37:50](#)

ده العناوين مش المزكرة التفصيلية ده العناوين المكتوبة البنط العريض ده ده بيحب الاسلام هذا ابو هريرة ورفيق له كتب عشرة شخصيات اسوأها عائشة كل دول كل دول انا رديت عليهم ما ترك لهم. لو عايز تعرف الرد التفصيلي على التلتاشر تهمة دي انا قايلها

اهو موجود على اليوتيوب - [00:38:10](#)

عشان تعرف دول ايه هؤلاء لا يحبون الاسلام لا يحبون الاسلام احنا بس يعلق عليها لانه لا يستطيع ان يقول غير ذلك لو بان منه انه يكره النبي صلى الله عليه وسلم طوب الارض هيكفره - [00:38:42](#)

وكما قال مالك رحمة الله عليه قال الذين يسبون الصحابة قصدوا ان يسبوا النبي صلى الله عليه وسلم لكن لم يجروا على هذا ارادوا ان يقولوا له صحابة سوء هو لما يكون الصحابة سيئين بهذا الحد - [00:39:01](#)

والنبي صلى الله عليه وسلم توضحاً عليهم وبشرهم بالجنة وهو الآخر يبقى النبي صلى الله عليه وسلم كانه لا يعرف اصحابه قصة قديمة ومعروفة انا من طبيعتي زي ما قلت لكم حط دايم هذا الامر وانت وانت بتسمعي - [00:39:17](#)

او وانت بتقرأ ليه يعني؟ انا اتعامل معاملة الاب اب شفيق محب لابنائيه لا يفرق بين احد منهم ويتمنى ان يدخلوا جميعا الجنة ده شعوري والله عز وجل مطلع على قلبي ولساني - [00:39:35](#)

انا انا هذا الشخص ولذلك لا اخفيكم يعني سرا انه معظم الذين يرسلونني او يتكلمون عني يقولون يا ابي ابدأي من كلمة يا ابي لاحزتها بكثرة كاسرة من الشباب وانا لحتى الان وارجو ان القى الله عز وجل وانا اتعامل هكذا يعني - [00:39:55](#)

هؤلاء اتوا على الفراء التي الصقت بي التقى بي اناس يكرهونني لا يحبونني انا لي طريقة في الدعوة قبل ان افتي الفتوى اوصل لها انا لست اعظهم فقط قال واعظ ومعلم - [00:40:16](#)

لما تسألني سؤال ما اقولكش يجوز او لا يجوز لأ اعرفك انا جيت يجوز ولا يجوز ازاى عشان تتعلم ورايا لان الراجل باعلم الاصول انا بعلم اصول الحديث وفي ثنائي اصول الحديث بتكلم عن اصول الفقه - [00:40:44](#)

وكلما جاءت فتوى لازم اوصل لها. لماذا انا فعلت هذا؟ ليه قلت حرام؟ ليه قلت مباحة وما لازم اعلمك انا لا اغشك يعني انا مش هخبي عليك حاجة بالزات فيما يتعلق بالعلم. لان بركة العلم انفاقه - [00:41:01](#)

على عكس المال المال يمكن عدم انفاقه يكثره لكن العلم يكثر بالنفقة ويزكو بالنفقة فيا جماعة من الذين لا يرضون منهجي اللي هو منهج القرون الثلاثة الاول انا لم اخرج عنها - [00:41:18](#)

تذكرون خير الناس قرني ثم الذين يلونهم ثم الذين يلونهم ده مذهبي ولا اخذ عن هؤلاء ولا اقول مسألة ليس لي فيها امام ابداء من فرضت بحاجة لوحدها كده لابد ان يكون سبقني ائمة ممن - [00:41:38](#)

ترجع اليهم الفتوى الجماعة اللي هم يعني انا مش محبوب بالنسبة لهم او مش مرغوب بالنسبة لهم طلوعوا علي فريت آا ان احنا لو عايزين نتغني نروح السويد واوروبا وندخل على نسوانهم وناخدها ونبيع كل راس. سمعتم الفتوى دي - [00:41:57](#)

سمعتوه ولا اقولها لكم؟ جميل انا انا او انتم هل يخفى علينا ضعف المسلمين لا يخفى على احد كنت بشرح كتاب الجهاد الفقه فشيء طبيعي انك بتشرح الكلام اللي قدامك - [00:42:16](#)

تقول كذا وكذا وكذا. كل الكلام اللي قلته موجود في كتب الفقه كلها حتى في الازهر حتى في غير الازهر كتب الفقه اه هألف مينين؟ السبايا والفايق والاسرى والكلام ده كل ده موجود في كتب الفقه - [00:42:42](#)

والجهاد عندنا نوعان جهاد طلب وجهاد دفع جهاد طلب ان انت بالجيش بتاعك تذهب الى بلد اخرى وتقول لهم ليس من حقكم ان تحجبوا الهدى عن الناس عايز تفضل كافر خليك زي ما انت. لن اجبرك بس مطلوب من ده تدفع جزى. لانك انت هتكون في دولة اسلامية عمال تصرف عليك وتعمل لك المرافق وتعمل - [00:42:57](#)

كل حاجة انت كل الحكاية انك انت قاعد في الدولة دي. بتاخذ خدمات النهاردة الدول بتاخذ ضرايب. من الناس هي الدولة الاسلامية كده. في مقابل ان هي بتقدم خدمات وبتحميكم. واذا حد اعتدى عليك تجيبه والى اخره فيه جزية بتدفعه - [00:43:24](#)

كل ده موجود في كتب الفقه وفي كتاب الله عز وجل وكنت انذاك بشرح وقلت هذا الكلام اللي انا قلته بس على الصوم ان جهاد الطلب النهاردة غير مطاق وغير مستطاع - [00:43:41](#)

العالم الاسلامي الان فرق شجرا نظرا وضعافه وو الى اخره كم؟ لكن كنت بدرس وقتها احكام الجهاد من كتاب فقه فيقول لك اه يقول لك يقول لك اذا كنا عايزين نتغني وانت عارف له طريقة يعني لطيفة كده في العرض يعني ساعات اقول حاجة تضحك حاجة اه افرفش الناس اللي قدامي - [00:43:55](#)

فبقول عادي لما دخلنا بلد وآ المجاهدون بقى هياخدوا الغنائم ده انا بشرح بس بقول احيانا بطريقة ايه عامية كده بحيس ان اللي قدامي مش كلهم طلبة علم يعني فبقول يا جماعة فكل مجاهد هياخد له راسين - [00:44:14](#)

وبنتين وعيل كده ولا حاجة. يوم ما تتعزز رح على سوق النخاسة ويبيع لك واحد وهات لك مش عارف ايه بالطريقة بتاعتي اللي انا بقولها اللي انتم عارفينها يعني قال لك شف بيقول لك اذا كنا عايزين نتغني ونملئ الخزنة بتاعتنا نروح نغزو السويد ونغزو مش عارف ايه وبتاع - [00:44:32](#)

والله العظيم انا عارف انهم فاهمين فده بقى ايه طنطنو عليها وما شاء الله المسألة الثانية سبحانه الله هذا الامر بالذات تكلمت فيه مرارا وانا هسيب لكم الحكم ارسل الي في درس من الدروس - [00:44:48](#)

في ورقة الاتي انا لي عم وحاطط فلوسه في بنك ريماي. وبعدين اتناقشت معه والنقاش بين نطال يعني ما اتفرزت عليه واتترفز علي فقال لي عمو بقى بيقول له انا - [00:45:13](#)

احب الربا وبستطعم الربا وهفضل اكل ربا اذا كان عاجبك تمام؟ فقام باعت لي الحدوتة دي انا قلت له يا بني ان كان يقول هذا استحلالا لمحارم الله فهو كافر - [00:45:34](#)

ان يستحل ما حرم الله حتى وان دق طالما عرف ان فيه دليل تحريم لا يحل له ان يقول باستطعمه وبحبه وبامزمز فيه قال حاجات زي كده يعني فكلمتي بقى ان مات مصرا على ذلك فهو كافر - [00:45:59](#)

ده واضح من فهمي انا انه ايه انه مستحيل ولذلك قلت هو كافر لم يظهر لي من كلام الورقة المكتوبة لي انه مجرد مصر ويقول لك اعمل ايه بس ونودي فلوسنا فين وما عرفش احس الفلوس في البيت ادعي لي ربنا يتوب - [00:46:19](#)

اه يبقى ده عاصي يريد ان يتوب حتى لو كذبا يريد ان يتوب بس مش عارف راجل انا عندي مسلا ملايين عدل في البيت ازاي لابد احطها في البنك ولا بد مش عارف ايه كم وبعدين يا سيدي هنعمل ايه بقى الله يغفر لنا اللي يقول كده - [00:46:36](#)

اه ده مصر بس لكن اللي يقول العبارة الاولى اسمه مستحل فالمستحل باجماع اهل العلم لا اعلم احدا يخالط في هذا ان المستحل ما حرم الله كافر طالما حرام جعله حلالا لنفسه هذا كافر بلا مسنوي - [00:46:51](#)

انما يصير على الفعل ويتمنى ان يتوب او يجد له مخرجا اخر او الكلام ده ده اسمه مصر على الكبيرة المصر على الكبير يرجى له الجماعة الذين طيروا هذه المقالة - [00:47:13](#)

كان ينبغي ان يقولوا اذا كان هو يرى استحلاله فنحن معه انما اذا كان يرى انه مصر فقط فلا كان المفروض يقولوا كده مشيوا على طول يقول هذا يقول المصر - [00:47:29](#)

في النار يبقى مبتدع. ليه اهل الكبائر في النار اللي صراع الكفر موجود في القرآن وكانوا يصرون على الحنث العظيم. الحنث العظيم اللي هو الكفر ففي اصرار اصرار على الفعل وانه بيفعل الفعل ويتمنى ان يتوب لكن ضعيف. هوى قلبه شهوته غالباه. اه عايز فلوس عايز نساء عايز اي حاجة - [00:47:49](#)

ماشي بس انا افهم منه انه مصر فقط الذي فهمته انا من الورقة انه مستحل تعرف بقى لي كم سنة باقول الكلام ده عشرين سنة وانا اقول هذا الكلام ماذا افعل اكثر من هذا؟ فلذلك تركت التنبيه - [00:48:11](#)

تنبهت واعتقادي انا قلته برغم ان دعوتي التي ادعوها الى الناس من اسهل الدعوات ليس فيها تعقيد ابدأ ولا فيها مشقة على نفسك ان التزمت القول الذي اقله تبعاً لجماعة العلماء مش من دماغي طبعاً. تشعر براحة في حياتك - [00:48:30](#)

انا عندي ثلاث قرون الاولى ده المعلم الاول بالنسبة لي وبعدين اخذ من القرون المتأخرة ما يوافق القرون الثلاثة لواء الرجل يمكن ان يكون مذهبه على القرون الثلاثة الاولى وان تأخر زمانه - [00:48:52](#)

شيخ الاسلام ابن تيمية رحمة الله عليه. ده على وزان القرون الثلاثة الاوائل انا عايز اقول يا اخواننا يعني آآ وصية يمكن النهاردة كثير جدا دافع عني ونزل فيديوهات والكلام دوت لكن في بعض الشيوخ - [00:49:09](#)

يتكلم فيهم ولا احد ينصرهم لا تتركوا لحوم شيوخكم مضغاً في افواه هؤلاء من حقهم عليكم ان تدفعوا هذا الظلم عنهم انا ذكرت آآ يمكن في في هذه المدارس حديثاً للنبي صلى الله عليه وسلم حديث جابر - [00:49:29](#)

في مسند الامام احمد بسند جيد قال ظل رسول الله صلى الله عليه وسلم عشر سنين يتتبع الحاج المواسم والناس في منازلهم ويقول من يؤويني من يحملني يعني الى الله عز وجل وله الجنة - [00:49:49](#)

قال جابر فسرنا له سبعون رجلاً والتقينا معه في بائعة العقبة. وقلنا هو ده الشاهد اللي انا عايزه وقلنا الى ما نترك رسول الله صلى الله عليه وسلم يفر في جبال مكة ويخاف - [00:50:07](#)

يعني احنا كمؤمنين بالنبي صلى الله عليه وسلم ايه لازمتنا؟ الرجل الذي جاءنا بالهدى سايبينه بيلف في الجبال ويخاف لابد ان نصره
وده هذا حق الشيوخ عليكم وانا عارف واحد يقول لك شو شبه نفسه برسول الله - [00:50:28](#)
انا عارف يا اخواننا يعني هقول لك على حاجة اي كلام مهما كان حسنا ممكن تقلبه على عكسه مش ابو نواس قال ما قال ربك للاولى
للاولى سكروا. ولكن قال ويل للمصلين - [00:50:46](#)
ابو نواف قال كده قال ربنا منزل في القرآن ويل للسكرارى للسكرارى بس قال ويل للمصلين هل هل الاية دي انزلها الله نعم انزلها الله
لكن ليس هذا مرادها عشان في بعض الناس يقول لك والله ربنا ما قال كده. لأ قال ويل للمصلين - [00:51:04](#)
تمام؟ لكن هذا في سياق مختلف واي كلام انت ممكن تقلبه. لو انت عايز يعني. مش افصح كلام بقى. لا اي كلام ممكن تقلبه فعادي جدا
يتلصص لك على كلمة قلتها عفوا. لا تقصد بها شيئا. قل له شف مازا قصد - [00:51:22](#)
عيد لي يا ابني الجملة دي مرة واثنين وثلاثة. ها من قبيح الاقوال ومن قبيح التهم ما يتنزه عنه كل انسان عاقل لو انسان سوي يكون
سوي سبحان الله! فانا عايز اقول يا اخواني يعني في نهاية هذه الكلمة - [00:51:40](#)
انا والله ما كنت اريد يعني انا اتكلم لان حياتي ماشية. انا يعني بقى لي مدة طويلة مختفي عن الانظار يعني بلاش كل يوم في خطبة
وكل يوم في مسجد وكل يوم في مؤتمر والكلام ده. ما فيش. لكن هم العادة يعني انهم يقصدون - [00:51:58](#)
دعوتنا انا برربي لا اعد فقط اعظ واوروبي. ربي على الاصول. يعني ما تطلعش من عندي الا انت فاهم. يكبر علي ان تخرج ولم تفهم لأ
انا على استعداد اقعد مرة واثنين وثلاثة واقعد معك للصبح - [00:52:14](#)
انك تفهمني هذا ما اريده عشان كده يا اخواننا دي حملة ممنهجة ضد الدعوة بتاعتنا انتم عارفين يعني من اول مؤتمر جروزني اللي
عنده فكرة عنه اللي هو ايه؟ اللي هو احلال التصوف مكان الدعوة - [00:52:30](#)
وبالذات ادعوا سلفين ليه؟ لانها بتتير العقول مش واحدة كده صاحبك وماشي المني جدا يعني ان اكثر رجل شتمني فيهم وصف كل
من يتبعونني في الدنيا بانهم قطيع غنم والله العزيز - [00:52:48](#)
هل هذا القطيع اللي ماشي وراه من الاغانم معقول يعني في كل هؤلاء تلاقي ناس افاضل واساتزة واطباء ومهندسين وتجار وناس
عمالقة وعلماء هتلاقي كل حاجة في القصة دي ازاى تقول عليهم قطيع وغنم - [00:53:12](#)
والان نظرتك اليهم ما هذا الكلام الذي لا يصيغه اي انسان له ادنى ذوق يقول هذا الكلام ومع ذلك وبالله احلف وانا عادة لا احلف على
كلامي لا احلف على كلامي ابدًا. الا يعني لما اتورط في حاجة زي كده. وبالله احلف - [00:53:30](#)
ان هؤلاء الاربعة لو ان الله هدهم لكان احب اليهم ولا احمل ابدًا ضغينة تجاهه ضغينة شخصية يعني الفيديو بتاع كل واحد فيهم
سمعتة اربع مرات واسمع وانا اضحك احنا ما ماذا تفعل يعني - [00:53:48](#)
لكن لو اهدتوا ورجعوا الى الدين الحق مش لمذهبي ولا ولا نية انا ولا بتاع. لا للدين الحق يقرأ بس يدي لنفسه فرصة انه يقرأ يقرأ
القرآن حتى لو لو لو اهدتوا لكان احب الي. اسأل الله عز وجل ان يهديهم. اقول قولي هذا واستغفر الله - [00:54:07](#)